

ЛҮИМА СЭРИПОС

9 февраля
2017 года
№3
(1141)

Общественно-
политическая газета
Ханты-Мансийского
автономного
округа-Югры

www.khanty-yasang.ru

E-mail: gazeta@khanty-yasang.ru

Основана 11 февраля 1989 года



Ты хурит Олег Хатанев ос Александр Тасьманов пӱслым блӱг.
Ювле хультум тӱлт Олег Хатанев 50 тӱлӱ тӱвлыс.
Тав урӱтыл 10 лӱпсыт ловиньтӱн.

Л. Спирякова вӱрүм хури

Ты
номерт
ЛОВИНЬТӱН:

Кӱщай нӱ
потыр тас

2

Ялпын тӱр
урыл потыр
ӱлыс

3

Нӱй-ӱтырын
кол ӱргалан
хӱтпа

9

ӱс мӱхум
алфавитаныл
урыл

13

Тав мирн
ӱмас номт
тоты

16

ЛЯХХАЛЫТ

Күщай нэ мөлты тал сыс вәрүм рупататэ урыл потыртас

Тал котиль этпос 30 хөталэт Ханты-Мансийск үст округ Думат депутат-хөтпат сапранин акван-атхатыгласыт. Төнт тән хүрумхуйплов саккон пирмайтасыт.

Өвлэт тән элы-паланылт округ яныг күщай нэ Наталья Комарова мөлты тал сыс вәрүм рупатаныл урыл потыртас. Государственный Думан пэриим депутататыт, Совет Федерацият рупитан хөтпат, миркол күщайт, округ правительстват рупитан махум таве хунтлуқке эхталасыт.

Наталья Комарова лавыс, ювле хультум талт тән ёмас бюджет пирмайтасыт. Касың программа эрнэ щирыл рупитас, ты хосыт тыт өлнэ махум акваг нётвёсыт.

Олн сэлнэ урыл

Ань округ бюджетын сав олн ма-вөй нөхвинэ махум ойтэгыт. Мөлты тал ма-вөй өщнэ йильпи ат ма хөнтвес, ос сат мат махум рупитаңке өвылтахтасыт. Кондинский районт вөр сагрин компаният рупитэгыт, тән кол үнттын магсыл нор яктэгыт, партыт сылэгыт. Норыт, партыт, иснасыт Великобританиян, Швециян, Индиян ос мөт хөн мән тыналыяныл. Ыйхул янмалтан хөтпат ос ёмашакв рупитэгыт. Мөлты тал сыс тән сав мўңи, щаквит, нёвылыт ос мөт тэнүт тыналысыт. Ос 16 сөтыра арыгкем тонна хұл тыт пуввес.

Касың талныл савнүв хөтпат танки магсыланыл рупитаңке өвылтахтэгыт ос рупа-

тата тал өлнэ махум рупитаңке выгыт. Ань сака мощца хөтпа рупата тал өлэгыт. Савсыр тэнүт, пормас тыналым олн сэлэгыт. Төва махум ань пормасаныл, тэнүтаныл Россия янытыл ос мөт хөн мән тыналаңке патсыт. Ёмашакв рупитан хөтпат округ правительствата палыл нётавет, савсыр субсидия-олныл таствает.

Та тал сыс округ янытыл интернет вәрвес. Ты ищхипың ут ёмашакв вос рупитас, кёрквалгыт касың павыл мус хартавет. Ювле хультум талт 550 верыста кёрквалыг пинвес. Ань Нижневартовский, Белоярский ос Октябрьский районты 12 мән павылкветт ты ут ёмашакв рупиты. Тамле ищхипың ут ос акв ёмас тэла тотыс, ань округ янытыл өлнэ мир телефон хосыт 112 номерн свонитаңке вёрмёгыт. Ань Югра мат интернет өщнэ 630 сөтыра элумхөлас единый порталн хасхата-сыт. Махум ты ут хосыт нявраманыл магсыл намнэпакыт ос савсыр мөт эрнэ нэпакыт вәрэгыт.

Мөлты тал сыс 48 верыста палыт машинал яласан лёңх вәрвес ос 23 верыста ёмашакв щёпитавес. Ты рупата магсыл касың тал сав олн холтаве. Тувыл төва мат лёңхыт сака ошцаг варавет, мөт мат пөсыт

ат тагатавет ос түйт ёмашакв хот ат хилаве. Тыи магсыл сака сав махум сакватахтэгыт ос атимыг ёмтэгыт. Наталья Комарова миркол күщайт ты вәрмаль тара-паттуңке лавсанэ.

Кол үнттын вәрмаль

Яныг күщай нэ ань лавыс, 2016 тал сыс округувт өлнэ щёмьят кит сөтыра 789 өлнэ колыл ёвтвёсыт. Сат сөтыра 556 щёмья ос өлнэ кол ёвтуңке нётвёсыт, тән субсидия-олныл майвёсыт. Сав щёмья ипотека-олн висыт. Лов тал сыс тыт өлнэ махум 133 млрд. солкөвил банкыт майвёсыт. 61 сөтыра щёмья өлнэ колыт ёвтсыт манос үнттысыт. Мәнлат щёмьят ос ёмашакв нётавет, тән өлнэ колыл мивет.

Ань округувт махум магсыл колыт үнттавет, руц латңыл «арендный колыг» лававет. Ты пора сыс нила яныг кол үнттувес, тув 600 щёмья олункве вантлас. Ювле хультум талт Сургут үст ос тамле кол аствавес, ань 512 щёмья тув вантлуңке вёрмёгыт. Балок-колт өлнэ щёмьят ос ат ёрувлает. 2012 талныл тыпора мусниласөтыра арыгкем щёмья йильпи колыл майвёсыт.

Ань йильпи саккон щирыл, сав няврам өщнэ щёмьят ма-лөмт виңкве ат ке касачёгыт, тән олныл мивет. Ювле хультум талт 522 щёмья кол үнттын ма пентсыл кол ёвтнэ олныл ойтвёсыт.

Миркол күщайт округувт өлнэ касың хөтпа урыл номсэгыт ос

өлупса ёмаснүвек ос күпнитнүвек вәруңке таңхёгыт. Тыи магсыл акваг сав рупитэгыт. Тән минам тал сыс павлытт, үсытт өлнэ мирколыт 346 млн. солкөвил тастысаныл. Ты олныл Белоярский үст нәлми вататэ ёмашакв щёпитавес, Пойковский павылт «Югра» нампа парк вәрвес. Покачи үст яныг хөнтлын нак порат порслым махум магсыл памятник түщтувес.

Соссаң махумн нётнэ урыл

Күщай нэ лавыс, тыт өлнэ соссаң мирыт тән акваг үргалым оныщияныл ос тән ёмашакв өлнэныл магыл сав олн тастыглэгыт. Ань пёс йис мат өлнэ соссаң щёмьят машинаныл магсыл нәлок-олн воссыг ат ойтэгыт. Мәнщи, ханты ос ёрн махум пёс йис вәрмаляныл нөх-вөрмалтан магсыл ос нётавет. Та талт Ый ййквнэ вәрмаль урыл ванэ хөтпат акван-атыглавёсыт, тән агитпыгыт ййквуңке ос эргуңке ханищтасыт.

Мир пусмалтан вәрмаль, няврамыт ханищтан вәрмаль урыл күщай нэ лавыс, округувт махум ёмаснүвек вос олсыт, мирув акваг вос савмыс, тав ос ваңын хөтпанэ сав рупитэгыт. Касың тал округувт машинал яласан лёңхыт пинавет, я ұлтта унсахыт варавет, өлнэ колыт, няврамыт үргалан колыт ос ханищтахтын колыт, пўльницат үнттавет.

Людмила ТЕТКИНА

ЛЯХХАЛЫТ

Ялпың түр урыл потыр олыс



Ты этпос округ Думат Ассамблея сапраниятэ олыс. Тув Государственный Дума депутат нэ Татьяна Степановна Гоголева вовыглавес. Тән соссаң махум олупсаныл урыл потыртасыт.

Мән округувт акв сака ялпың түр олы, тав лававе — Нумто. Ты яныг түр Белоярский районт олы, та ляпат ханты ос ёрн махум сәлы үрим олэгыт. Тән ты түр сака үргалыяныл ос

ялпыңтыяныл. Ос ань акв тарвитың вәрмаль осн-нэгыс. Молты тал та мән ма-вөй нөх-винэ махум рүпитаңкв тартвэсыт.

Потыртаве, та түр ляпат ос витэ ёлы-пәлт

Тав агмың-мосың мирн нёты

РИЦ «Югра» нампя ляххал тотнэ колн Эдуард Исаков ёхталас. Ты хум Москва үст Совет Федерацият рүпиты. Тав мән округувныл тув пёриявес. Ханты-Мансийск үсн ёхталаме порат тав мөлты тәл сыс вәрум рүпататэ урыл потыртас.

Күщай хум лавыс: «Ам мирн нётнэ Комитетыт рүпитэгул. Тот мән агмың-мосың хөтпат магыс эрнэ сәкконыт хансэв. Ювле хулытум тәл оигпан элы-пәлт акв ёмас сәккон пирмайтавес. Агмың-мосың хөтпат реестр-нэпакн хансуңкве патавет. Күщайт вәңкве патэгыт, манасавит ос хоты мят ты махум олэгыт, нётуңкве ёмашакве тах вёрмавет.

Мән савалап няврамыт магыс сәккон ань щёпитэв. Төва савалап няврамыт щәняныл-ащаныл наманыл ат вәвет ос намнэпаканылн

тән ат хансымат. Тыи магыс агит-пыгыт төват нётмилыл ат мивет. Тән ос ёмашакв вос нётвэсыт, ты сәккон пирмайтаңкве ань эри.

Совет Федерация колт рүпитан махум спорт магыс акв сәккон щёпитэгыт. Ань касуңкве ялантан мәнлат агит-пыгыт сәвсыр люль тэрпит аюңкве тренерытын кашилтавет. Йильпи сәккон щирыл, ты хөтпат тох вәруңкве ке патэгыт, сутытавет.

Мөт хансым сәккон щирыл, спортивный командат мощчанув олныл тах таставет.

сака сәв ма-вөй олы. Мятэ ёмашакв сусвес, ос нефтяникытн хоталь новхатуңкв ат рөви, пуссын нэпакн хасвес. Ос ань ты сапрәнит тәра-патыс – нефтяник махум тән танти та мят хаништаманыл, таи-магыс тот рүпитанэныл магыс лицензия-нэпакыл майвэсыт.

Ань сапрәнит олум күщайт Татьяна Степановнан лаввэсыт, тән ты рүпата щар ат рөвнэ щирыл вәрсаныл. Та ёрт олнэ соссаң махум мощёрт тот ма тәл ты хулытэгыт. Таквсы тав та ёрн ялыс. Ань сәлы үрим сәвыңпәлэ яныглат махум тот вөрт олэгыт. Тән олнэ мананыл родовой угодияг пуссын хассаныл.

Ос ляпат ма-вөй нөхвинэ махум те рүпитэгыт, та ма щар яңкыл-

ма хурипаг ёмты. Витэ нөх-пащиртаве. Хантыт олнэ коланыл урамың мән ань үнттыяныл, ос мувлахи нас витың ма. Сәлыт ёмыгтан ма тот сака мощца.

Нумто түр ляпа мятэ ань тыг мус сака ат новвес. Ань тах «Сургут-нефтегаз» нампя компаният рүпитан махум тув рүпитаңкв та ёхтэгыт. Ань ты сапрәнит олум миркол күщайт тыкос лавсыт, нефтяникыт тот сака ёмашакв ос ма үргалым рүпитаңкв патэгыт.

Ассамблеят рүпитан хөтпат тананылн лавсыт, тән Нумто түр ос ляпа мятэ аква уральтым оньщүңкв элалы патыяныл. Соль, та түр ялпыңе сака яныг. Ос Россия магыс тав ма щу-не сака эри.

Валентина ВАСИЛЬЕВА

Хулытум олныт мөт эрнэ тәла магыс холтавет. Ты олныл мән павылквет ос үсытт сәвсыр каснэ колыт тах үнттавет, сәвнув махум тув вос ёхта-лэгыт ос сәвсыр щирыл вос касэгыт, пустәгыл элалы вос олэгыт».

Ты тәл мән округувт махум пустәгыл олнэ тәлыг намаявес. Эдуард Исаков лавыс: «Ань махум пусмалтан магыс сәв ёмас пүльницат үнттавет, сәвсыр ищхипың утыл ёвтавет. Ты тәла магыс сака сәв олнаквагхолтаве. Тувыл махум пустәгыл олнэныл урыл тәнкинанылн номсахтуңкве эри. Ам номсэгул, тән магысланыл ати сәв пүльницат үнттуңкве ос сәвсыр тэрпи ёвтуңкве эри. Ты пентсыл округ янытыл сәвсыр каснэ колыт вос үнттавет, махманув тув

ялантым пустәгыл элалы олүңкве тах патэгыт».

Агмың-мосың хөтпат магыс мирхал касыл щёпитәлаве, руц ләтңыл «Паралимпийские игры» лававе. Мөлты тәлт Бразилия мөт хөн мят олум касылн Россия спортменыт ат тартвэсыт. Ань ма янытыл олнэ агмың-мосың махум мөт касылн щёпитахтэгыт, мән хөтпанув тув ос ат вөввэсыт. Ты вәрмалы урыл Эдуард Исаков маныр номт оньщи, ляххал тотнэ хөтпатын китыглавес. Тав ювле лавыс: «Мән махманув сәвсыр касылн ялантым акваг нөх-патэгыт. Тыи магыс, улпыл, тән тув ялуңкве ат тартавет. Ань мән сутытахтуңкве овылтахтасүв. Тыгыл ёмәстәлагёмты ман ати, ань щар ат вәглум».

Людмила ТЕТКИНА

КҮЩАИТ РҮПАТАНЫЛ

Мāньлат соссаң хōтпат сāv олныл ойтавет

«Югра» нампa телеканалт рӯпитан хōтпат сāvсыр передачат щёпитālэгыт ос тув округ мирколт рӯпитан кӯщaит вōвыглыяныл. Тāн кӯщaит вārнэ рӯпатаныл урыл китыглыяныл ос тыт олнэ мāхум тārвитуың вārмaляныл урыл тāнанылн потыртэгыт.

Ань тāн ос акв передача вārегыт, руш лātңыл «Открытый регион» намаим олы. Тāl котиль этпос 24 хōталэт тāн тамле передача щёпитасыт ос округ мирколт рӯпитан кӯщaит Алексей Шипилов, Алексей Забозлаев, Всеволод Кольцов, Павел Сидоров ос Юрий Южаков тув вōвыгласаныл. Яныг кӯщaит ёт хōнтхатыгламаныл порат ляххал тотнэ мāхум сāvсыр тēла урыл пӯмшалахтасыт.

Мāн, редакцият рӯпитан нэт, ос тув вōвиньтālвесув. «Ханты ясанг» нампa газетат рӯпитан нэ Ирина Самсонова агит-пыгыт ханищтан вārмaль урыл кӯщaит китыгласанэ. Тав лāвыс: «Ань сāv мāньщи, ханты ос ёрн нярвaмыт школа āстланэныл юи-пāлт элаль ат ханищтахтэгыт. Мōтаныт училищат манос университетыт ханищтахтэгыт кос, тувыл тāнки олн ойтэгыт. Ты элы-пāлт соссаң мāхум льгота щирыл ханищтахтуңкве вёрмысыт. Тамле тēла ювле вāраве ман āти?»

Округ мирколт рӯпитан кӯщaит Всеволод Кольцов тавэн лāвыс: «Мāн пуссын Россия мāt олэв. Ань рӯпитан сākкон щирыл, нярвaмыт пуссын элаль ханищтахтуңкве вёр-

мэгыт. Мāн округувт соссаң мāхум ўргалым оныщавет ос тāн мāгсыланыл сāvсыр сākкoныт ос программат пирмайтавет.

«Социально-экономическое развитие коренных малочисленных народов Севера до 2020 года» нампa яныг программа хосыт соссаң мāхум ань ёмашакв нётает. Ханищтахтын мāньлат хōтпат урыл тот ос хансым олы.

Училищат манос университетыт ханищтахтын агит-пыгыт щāняныл-āщаныл тāнки олн ке ойтэгыт ос щёмьяныл нусаг ке олэгыт, тāн олнаныл ювле мивет. Университетыт ханищтахтын нярвaмыт акв тāl 100 сōтыра солкōвил ювле выгыт, заочный щирыл ханищтахтын агит-пыгыт 55 сōтыра солкōвил мивет. Училищат ханищтахтын нярвaмыт акв тāl сьс 50 сōтыра солкōвил ювле ойтает, заочный щирыл ханищтахтын мāхум 25 сōтыра олн ювле виңкве вёрмэгыт.

Ты коныпал тāн кāсың тāl ханищтахтын нэпакыт, пормасыт ёвтнэ мāгсыл ос тāl сьс акв щёс юв ялантан мāгсыл олныл мивет. Мōлты тāлт ты нярвaмыт мāгсыл округ бюджетныл 36 млн. солкōви тāстыглавес. Ты олныл 580 нярвaм нётвёсыт.



Admha0.ru сайтывл вим хуринов

Мāньщи, ханты ос ёрн нярвaмыт Россия яныгыт олнэ университетыт «целевой набор» щирыл ханищтахтуңкве ос вивет. Тōнт олн ойтункве щар ат эри. Тāн ань мā-вит ўргалан хōтпаг, метеорологыг Полярный академият, Арктика университетыт ханищтахтуңкве вёрмэгыт. 2016 тāлт школа āстлам соссаң нярвaмыт халт 52% сāvит училищат ос 44% сāvит университетыт ханищтахтэгыт.

Ань мāньщи, ханты, ёрн агит-пыгыт халт 700 училищан ос 100 арыгкем нярвaм ВУЗын ялантэгыт. Тāн халанылт 38 элумхолас мāvōй нōх-винэ хōтпаг ханищтахтэгыт. Ам номсэгум, ты нярвaмыт тāнки элаль ёмашкв ханищтахтуңкве патэгыт ке, тāн пуссын тах нётает».

Сургут ўсныл ёхталам нэ Алексей Шипилов китыгластэ, тав лāвыс: «Ань мāхум акваг потыртэгыт, Сургут ўс ос Сургутский район мирколыг акваг-тоттавет. Тамле тēла соль вāраве манос āти?»

Алексей Шипилов ювле лāвыс, ты вār-

маль урыл тāн ань номсахтэгыт. Ты элы-пāлт тамле рӯпата тāн Хальўс районт вārсыт, район ос пāвыл мирколыг акваг-тотвёсыг. Тот ань пāвыл ос район кӯщaит акв колт рӯпитэгыт. Тōва хōтпат рӯпатаныл пōхын кётвёсыт, ань ты хосыт сāvнув олн хультыс. Ты олныт мōт эрнэ тēла мāгсыл ань тāстает.

Сургут ўс ос район ос аквты щирыл акваг-тотункве рови ман āти, округ мирколт кӯщaит ань номсахтэгыт. Сургут ўст олнэ мир сāvми, тот акваг сāv олнэ колыт, пӯльницат, ханищтахтын колыт унттуңкве эри, тувыл мā щар ат тōвылхаты. Тыи мāгсыл тāн ты рӯпата тот ос вāруңкве номсэгыт.

Ты передачан ёхталам ляххал тотнэ хōтпат сāvсыр вārмалит урыл пӯмшалахтасыт. Акваг мāшинат яласаң лēңхыт, мāvōй нōх-винэ вārмaль урыл, мōтаныт ос пӯльницат, школат унттын тēлат урыл китыглахтасыт. Кӯщaит ты вārмалит урыл ювле потыртасыт.

Людмила АЛГАДЬЕВА

КҮЩАИТ РҮПАТАНЫЛ

Ханищтап урыл потыртасыт

Та этпост департаментыт олнэ кўщаит тәнки рупатаныл овылтыт латың вәрэгыт. Тән округ янытыл ищхипың ут хосыт мот кўщаитн хунтлавет ос эрнэ порат латың ювле лавегыт манос матыр китыглэгыт.

Любовь Ковешникова, образование ос маньлат махум эт рупитан тэлат кўщай

нэ, лавыс: «2016 тал сыс 21 ийльпи садик унттувес. Тув 3 сotyра 645 савит мань няврамакве ялантаңкве патсыт. Округ янытыл 448 садик олы, товат тәнки щирыл рупитым олн сэлэгыт. Мөлал тәнанылн нётмил вәрнэ магыс «Сертификат дошкольника» наппа лицензия щепитавес. Шоколат ханищтахтын

няврамыт ос тамле нэпак оныщегыт. Ань 2 сotyра 700 элумхолас ты нэпак висыт ос тув тастым олнытыл ойтхатуңкве вөрмөгыт. Акв сертификат-нэпак тынэ 16 сotyра 419 солкөви савит олы, ос агмың-мосың няврам магыс минэ нэпак тынэ 16 сotyра 887 солкөви савит олы».

Кўщай нэ школат ханищтахтын агит-пыгыт овылтыт ос потыртас. Соссаң няврамыт ханищтан тэла урыл нэматыр ат лавыс. Пуссын лавум ляххалыт нән округ образование наппа ищхипың лөпсэт ловиньтаңкве вөрмегын.

Тамара
ХАТАНЕВА

Рупатаныл магыс эсгавет



В.И. Меркушев, Е.В. Шумакова

Общественный ос внешний связь департаментыт олнэ кўщай нэ Елена Шумакова 2016 тал сыс вәрүм рупатаныл овылтыт ляххал тотнэ хөтпат элы-пәлт потыртас. Тав тәнанылн пүмащипа латың лавыс, тән акван-нөтхатым савсыр емас тэлат вәрсыт.

Кўщай нэ лавыс, мөлты тәлт тән хүрум вәрмалитыт емас рупитасыт, ос пусын рупитаныл эрнэг тотнэныл магыс мот регионит халт нөхнув патсыт. Таимагыс департамент РФ Министерства пәлыл эсгувес ос мот хөтпат тэланыл аквтахольт макыг тотуңкве, аквтох кәркамыв олун-

кве лаввөсыт. Мән махманув савсыр некоммерческий колыт, российский ос мот хон маныйл акван-атхатам нөтмил вәрнэ колыт эт юрщхатым олэгыт ос тән номтаныл тэлаг вәруңкве нөтэгыт. Тән ань 85 савсыр некоммерческий колыт эт рупитэгыт. Тувыл ляххал тотнэ колыт тэланыл

ос акваг уральтым оныщияныл.

Мөлты тәлт департамент «Открытый регион» наппа рупитан кол пүнсыс. Ос тав рупататэ хосыт мән олупсав Россия янытыл сав махумн ванэг оныщаве. Мән тэланув урыл махум ищхипың ут хосыт ляххалыт, потрыт ловиньтэгыт, тот матыр-ати вәрмалит пуссын тәрапаттыяныл. Махум тәнки хултыглан ман матыр китыглахтын латың департаментыт рупитан хөтпатн кәтуңкве вөрмегыт ос тувыл тәнаныл өмщакв щепитан мус акваг матыр вәрэгыт, эрнэ торыг хөт-ати нөтавет.

Тувыл Россият савсыр мат олнэ 12 предпринимателит тэланыл элалы тотым мот хон мат рупитэгыт. Мән округув та регионит эт ос тох рупитаңкве вөввес. Ань төва предпринимательство-колыт департаментувн нөтым нөлөлов щес мот хон махум эт акван-хөнтхатыгласыт. Төнт тән ват нупыл хүрум мот хон ма эт


пормасыт тыналан щирыл нэпак хассыт ос мот хон мат олнэ махум эт акваг рупитан щирыл потыртахтасыт.

Соссаң махум эт рупитан тэланыл ос эсгувес. Ты тәл ООН наппа колт ты рупатаныл элалы ханищтаве ос мот хон мат аквагы щирыл тэланыл вәруңкве паттыяныл. Маньполь этпост округ мирколувн Франция маныл мүй хөтпат эхтэгыт ос тән тот элумхолас праватэ овылтыт тах потыртэгыт.

Владимир Меркушев, ты департамент Общественный Советэт кўщай ваңын хум, лавыс: «Тәл сыс ты департаментув өмщакв рупитас, сав тэлат макыг вәруңкве алымавөсыт. 29 некоммерческий колыт олн-нөтмилы майвөсыт. Тән рупатаныл магыс 16 млн. солкөви холтвес. Тувыл ляххал тотнэ махум халт 43 савсыр проекттыт тэлаг вәрвөсыт. Ты ийльпи тәлулт вәрмалянув ос емасыг вос олсыт».

Тамара
МЕРОВА

Округувт мир ёмщакв пусмалтаве



Алексей Добровольский мир пусмалтан Авърмалъ урыл Ханты-Мансийск үс мирколт потыртас. Ты тэла палт тав округ янытыл пуңкоты. Ань ювле хультум тал сыс махум хумус рупитасыт, пусмалтан магыс тастым олныт хоталь холтвэсыт, ты урыл тав доклад-нэпак ловиньтас. Ты күщай хум тох лавыс:

- Округт өлнэ касың хөтпа олн ойттал пусмалтаве. 2012 талныл 2016 тал мус мән өлнэ мәнн сака сав хөтпа йиңкве патыс, эрнэ нэпаканув савмуңкве патсыт, олн өс ущпылнэг сав эрмыглас. Тувыл нэпаканувт мот щислат хансуңкве патсүв.

Ювле хультум талт государственный программа щирыл пусмалтан вәрмалъ палт округ янытыл 59 миллиард савит солкөви ойтсүв. Туп акв хөтпа магыс 36 сөтыра солкөви ойтүңкве эрыс.

Пусмалтан вәрмалъ мак яныг колт ос пүльницатыт рупитан махум пуссын ёмашакв

рупитэгыт, сав эрнэ тэла вәрэгыт, ань округ янытыл махум пустагыл вос өлэгыт, ныврамыт самын вос патэгыт. Та минам талт Россия янытыл мән мавт



Ванзеват павылт унттым пүльница

савнув ныврам самын патыс.

«Земский доктор» нампа программав ос мұсхал щирыл вәрилүв. 2012 – 2016 талыт сыс мән мәнн 244 лёккар рупитаңкве эхтыс, тән халанылт 200 хөтпа мәнн павлытн олмыгтасыт, ань пуссын тот рупитэгыт. 44 лёккар ос яныг үсытт рупитан магыс вөвсанүв. Тувыл касың лёккар акв миллион солкөвил майвес.

Мән ань сыре-сыр машинат, аппаратыт оныщев, ищхипың ут хосыт округувт рупитаңкве вөрмев. 2016 талт 13 сөтыра арыгтем хөтпа тох пусмалтасанүв, тананылн нэмхотталъ минуңкве ат эрыс. Хоталь-ати эрнэ матыр тыт ань пуссын олы, пуссын оныщев.

Пүльницат ань округ янытыл тыхөтал мус унттэв. Молты тал Урай үст яныг пүльница асталаслүв, тот ань аквторыг 72 хөтпа пусмалтахты. Сургутыт сым агмыт пусмалтан пүльница унттувес. Когалым үст поликлиника йильпииг щёпитавес,

хөтыл порат тув 850 хөтпа щалтсуңкве вөрми.

Мощертн Белоярский район Полноват павылт пүльница асталаве, тот 15 хөтпа пусмалтахтуңкве вермэгыт, хөтыл ос 33 хөтпа лёккар палт щалтсэгыт тах.

Алексей Добровольский агмың махум пүльницан вертолэтыл тотнэ тэла урыл ос потыртас, ты хум тох лавыс:

- Ты тэлав мән мұсхал щирыл округувт вәрилүв. Ань Россия янытыл өлнэ лёккарыт мән нуплув сунсэгыт, мәннавныл ханищтахтэгыт, таимагыс мән өлнэ мав ёмашакв вәганыл. Округув янытыл вертолёт ёл-иснэ магыс яныгсат ма щёпитым олы, тув этэ-хөталэ лёккарың вертолэтыт исуңкве вөрмэгыт.

Нижевартовск, Сургут, Ханты-Мансийск үсытыт ос Хальүс районт вертолэтыл яласан махум акваг рупитэгыт, тал сыс кит сөтыра арыгтем хөтпа яныг пүльницан тотыглэгыт. Кос хоталь эри, тув минэгыт, эти вөвавет те, эти минэгыт.

Элын өлнэ мәнн павлытын ялантэлэгыт, махум лылыяныл нэгылттан магыс этэ-хөталэ та рупитэгыт. Россияв янытыл лёккарыт тох юртыңыщ воссыг нэмхотты мат ат рупитэгыт, вертолэтыл яласан вәрмалъ туп мән мавт мұсхал щирыл щёпитым олы.

Ты күщай хум потре та оигпас. Ятил мәнщи махум, пуссын пустагыл өлэн, сөтыңыщ өлэн!

Светлана МАТВЕЕВА

КҮЩАИТ РҮПАТАНЫЛ

Мирный олныт акв мән атуңкве патавет

2017 тәлныл нәлок ойтнә страховой взнос-олныт акв мән атуңкве патавет. Ты элы-пәлт ты олныт пенсионный, социальный манос медицинский фондын ләкква мән кәтыглавәсыт.

Ань ос ты олныт пуссын өвләт налоговый служба колн кәтуңкве патавет. Тот рүпитан махум та нәпакыт ёмщакв уральтыяныл ос тувыл ущ тәнки эрнә мән элаль кәтыяныл. Ты урыл налоговый

службат күщаиг өлнә нә Ольга Литова РИЦ «Югра» нампә колт ләвыс.

Тав ётә йилпи тәла өвылтыт потыртаңкве мирн нәтнә страхование колт өлнә күщай хум Михаил Рыбьяков, пенсионный фондывт пүңкотнә нә Татьяна Зайцева ос медицинский страхование колт күщай вәңын хум Дмитрий Святченко ёхталасыт.

Тән ләвманыл щирыл, ань страховой олныт атнә магыс әти тән пүңкотәгыт, сәвсыр организациятын тән палтаныл ань янас отчәтыт вәруңкве ос кәтуңкве ат әри. Тән туп кәсың хурум этпос магыс отчәт-нәпак вос вәрәгыт, тувыл пуссын тән нәпаканыл ёт ань налоговый службат рүпитәгыт.

Тамара МЕРОВА

Тәгт пәвыл махманә номиянә



Т.С. Гоголева тәгүм хурияте

Мән округвныл Государственный Думан мәнщи хөтпав Татьяна Гоголева пәриявес. Ювле хульгум этпост тот яныг съезд-капай вәрыглавес. Россия янытыл кәсың регионныл тув махум ёхталасыт.

Та мир халт Татьяна Степановна акв нәкве ёт хөнтхатыглас. Наме Татьяна Янова, әги опарищ наме – Мартынова. Тән халәнт хоса потыртасыг. Тувыл нәкве вәнә махманән паща ләтың тәтнә магыс мәнщи газетавн пищма хансыс. Ань тав хансум потре ловиньтәлбн:

— Ты яныг үс-капайт ам Татьяна Степанов-

на Гоголева ёт та хөнтхатасум. Ам таве хосат тәгыл вәглум. Тав әкве Елена Яковлевна Баусова аңум школат ханищтастә, тав ам өвыл учителюм ты өлыс.

Татьяна ос Тәгт пәвыл школат ханищтахтас. Таве ам атям Алексей Петрович Мартынов ханищтастә. Та пәсныл ань тыг мус мән халмәнт юртыңыщ олымән. Ань ам тох ләвәгум, мән тав ётә сас Тәгт пәвыл янытлымән.

Маңав ханищтам хөтпат ам пуссын номиянум. Владимир Вячеславович Хромов литература урок ханищтас. Тав уроканә

сака пүмшиг өлсыт. Школа әстламум юипәлт ам Тюменский государственный университет филологический факультетывт ханищтахтасум.

Екатерина Федоровна Елфимова химия урок маңавн ханищтас. Тав ләтңанә ам ань тыг мус номиянум. Тав ләвыглас, маныр мән ляпавт олыглы, ты пуссын химияг ләваве.

Мот ханищтам махум наманыл ты – Леонид Тарасович Костин, Светлана Васильевна Кабакова, Лидия Григорьевна Вовк, Юлия Феоктистова Мартинова (ты ам омам). Ты махум

ёраныл хосыт мән ёмас хөтпаг яныгмасүв. Ань сәвсыр мәт өләв, ләкква-миныгласүв. Тәгт пәвылт өлнә махум, аңум вәнә хөтпат пуссын паща ләтңыл тәтыянум. Хотьют ам ётум ханищтахтас, ам нәнан номиянум. Пустәгыл пуссын өлән.

Тамле пищма мән рүпитан колувн тәтвес. Эрың нан халынт хотьют ос тамле пищма хансуңкв номсы. Хансән, хури тәтән. Мәнщи газетавт пуссын вәриянүв, потранын хансыянүв.

Мәнщи ләтңыл
Валентина ВАСИЛЬЕВА
хансыс.

СОССАҢ МИР ӨЛУПСА

Алыщлан манылат пыг

Тал котиль этпост Хальүс район Няхщамволь павылныл акв маныщи хум анузн свонитас. Мён тав ётэ хоса потрамасмён. Нан ты хум ос ваглын, тав наме Олег Самбиндалов, Түрвāt павылт олы. Самбиндаловыт щёмья урыл мән ватихал хансыглэв. Тән йис мәнанылт сāлы янмалтым олёгыт. Ань хум такви олупсатэ урыл анузн мощ потыртас.


Тав лāвнэтэ ширил, ты тал нёрт мощца түйт патыс. Тōва мāt ахвта-сыт нāнқегыт. Ты пора та ёрт сōрп шар āтим. Мōр-сың порат хōнтыглэгыт. Хотталы мōт мән, улпыл, миныгласыт. Нёхыс тай ос сāv олы. Тэлы сыс Олег налыман арыгтем нёхыс пувыс.

Маныщи хум туи пās-ныл сāv йильпи ёса вāрыс. Аквхуйпловкем палыт метра ййвхāп мацтырлас. Ты элы-палт хāпыт шар ат вāрыглас. Овыл хāпе татем ёма-сыг вāрыстэ, таквинатэн

сака мўсты. Ят шар ат хумпы, састумыг ўнлы.

Ты пормасанэ эрнэ магыс тастысанэ. Тав хосат тāгыл йильпи «Буран» ёвтуңкве номт оныщас. Ты кастыл так-всы тāра вōраяңкве патыс. Таи ёмас, ты тал сāv нёхыс олыс. Алыщ-лам утанэ нила-ат сō-тыра сāvит солкōвил тыналасанэ. Вāрум ёсанэ ос тыналасанэ. Олнанэ пуссын акван-атсанэ, түйт тармыл яласан ут ты ёвтыс.

Такви ты урыл тох лāвыс: «Алыщлан мāv



Ты хурит маныщи пыгыт
Түрвāt павылт пōслым олёгыт

палытэ хоса, лāглыл ёмыгтаңкве хунь ёрум ёхты. «Буранум» шар пёсыг ёмтыс. Ватихал саквалаңкве патыс. Таи-мāгыс шар овлэт ол-нанум ты ут ёвтнэ мā-гыс атсанум. Ань тай сымум ротмыс. Хоталь-āti эрнэ мән кўстырыг ёхтэгум».

Олег лāвыс, мōлты тал сōрп тән мәнанылт сāv олыс. Ты пора матрыг мощцаг ёмтыс. Ляпан ат ёхтэгыт. Мōлалнув вōрт алыщлым яласы-матэ, ёмаспал какыр пōхе тākыщ хōилтастэ. Пōхе хот-пувлахтас. Тиймāгыс Няхщамволь пўльницан пусмалта-хтүңкве ялыс. Лёккарыт лāvсыт, оңтыл-луванэ пусыт, нэматыр лүбл атим. Мощ хуяс, юв тār-твес.

Акв пūмаш вāрмалы урыл потыртас. Так-вы пāsныл тал котиль этпос мус акваг вōрт алыщлым яласас. Сōрп катын-паттуңкве тох аты вёрмыс. Ос Нях-щамвольн минмыгтас, акв мāt кит тал яныт сōрп лёңхын нэглапас. Хум «Буранэ» ёл-пōй-тыгпаптастэ, писале нōх-лэватастэ, щама та

патамтастэ. Лёңх торыг катын-паттыстэ, хот-нуистэ, нёвлиң тāгыл павыли ёхтыс. Тав ётэ минам мāхманэ пус-сын хот-щāгтсыт. Тамле ты сōтың хумкве Түрвāt павылт олы.

Рўтанэ хумле олёгыт, ам таве ос китыгласлум. Щāняге-ащаге Сава ос Татьяна пустāгыл олёг. Сава пыганэ Улек, Ынтари, Йлья ос Улякши. Тав пыганэ ёт вōраяң-кве ватихал яланты. Татьяна оманыл ос юн маснutyт юнты, тэнут пāйты ос мōт сāvсыр колсори рўпата вāри.

Ирина āгитэн хум вāрыс, ныврамаге ёт ойка-тэ палт вāнтлыс. Ойкатэ наме Павел Бахтияров, Висумтыт павылт олы. Ос вōраян хум, вōрколэт нёхыс, сōрп алыщлым яласы.

Түрвāt павылт татем ёмас, сымың, нёмса маныщи хōтпат ты олё-гыт. Ам ты мāхманувн яныг щунь-паша лāтың кётэгум. Олупсаныл кўпнитыг вос олы. Нāй-Отыранылн вос ўрга-лавет. Пустāгыл элалы вос олёгыт.

Николай МЕРОВ



Экват ос ныврамыг
Түрвāt павылт кон лүблхōлэгыт

СОССАҢ МИР ӨЛҮПСА

Най-Отырың кол ұргалан хөтпа



Ты этпос 10 хөталәт Наталья Павловна Шесталова 80 тәлә төвлы. Ань тав нйвраманән мәнъщи газетав тәра янытлаве. Тән ятил оманыл урыл потыр хассыт ос мәнав вөвсаныл, ты потыр мән газетат вос хансылув.

Наталья Павловна Калтышча-ны павылт самын патыс. Ты павыл Микояновский (ань Октябрьский) районт ылыс. Атятэ Павел Федорович Проскураков, ома тэ Ольга Лукьяновна Яркина сас «Мулигортский» нампa колхозт рупитасыг. Ётыл ты колхоз «Ниже-Нарыкарский» намыл пинвес. Атятэ война элы-пәлт атимыг ёмтыс. Ольга Лукьяновна так-тёт тит нйврамаге ёт хультыс. Тәнатән янмалтан магыс сака сав рупитас. Таимәгыс Наталья агитэ Домна анёкватән вуйвес.

Яныг хөнт порат ос та юипал тәлыгт павлың махум сав рупитасыт. Нйврамыт яныг махум ёт хул алышласыт. Тән пиркатанылт акв пиркатир ос хөт нйврам ылыс. Толганыл сака яныг ос хосаг 250 метра палытыг ылыс.

Эква ань потырты: «Павлув ляпат сав мат хул алышласув. Акв мат я ұлтта лап-товарт-тәлвес, тот хул вос атхаты. Мот мат алышлэв. Хуланув тот

холэгыт, ювле аквта мән та ёхтэв. Ос атхатам хул та пувёв. Ты щирыл мән хул планув акваг товартталыгласлув.

Рупитаңкв сака тәрвитың ылыс».

Мулигорт павыл Ас вәтат ылыс. Тот Наталья Павловна нила класс асталас. Элаль тав Шеркалы павылн ханищтахтуңкв минас. Тот ханищтахтаме порат тав комсомольский организацият пуңктотыс, тот школа асталас.

Тувыл тав Челябинский институт лёккарыг ханищтахтуңкве алаты тётвес. Ос ома тән ат тәртвес. Мощ олнлөмт атсыт, Салехард үсн мәнъ лёккарыг ханищтахтуңкв та минас. Тән сәлыңколн тётыглавёсыт, тот ёрн махум хансуңкв ос нәпак ловиньтаңкв вос ханищтыяныл. Төнт ты рупата руш ләтңыл тох ләввес – «Красный чум». Ты рупата вәруңкв ат кәсачан махум пуссын комсомолы хот-нявлувёсыт.

Ефим Алексеевич Шесталов ёт Салехард үст хөнтхатсыг, тот акван-минасыг. Ойкатэ Хальүс районын рупитаңкв тётвес. Наталья ос тав ётэ тув минас. Яныг агитән тот самын патыс. Элаль ханищтахтуңкв Наталья ат кәсачас, юн та хультыс.



Апге ёт



Ойкатэ ёт

Нәг-хумыг Хальүс районныл Ханты-Мансийскан тётвесыг, тән пормас ман тәнүт тыналан хөтпаг вос ханищтахтэг. Та юи-пәлт тән Хөрыңпавылн тётвесыг. Наталья тот ләпкат нянъ тыналас, ойкатэ ос вөр сәгрим ос вөрүй совыт пирмайтым рупитас.

Та порат тән ләввесыг, Саранпавылн рупитаңкв вос минәг. Тән ат кәсачасыг, Ягрим нупыл та вәнтлысыг. Та ляпат мәнъщи павлыт ұнлысыт – Ёлка-Шапка, Новинский, Камратка, Малеевка. Касың павылт тән мощ олсыт. Тыгле-тувле яласым тән ләввесыг, нйвраманән интернатт вос ыләгыт. Тән щар ат кәсачасыг. Восыңтүр павылн колтағлыл та ылымгтасыг.

Тән нёлолов нйврам ошсыг. Ойкатэ ос сака ёмас хөтпаг ылыс, потыртаңкве сака пүмщиг хәсыс. Тав хосат атимыг ёмтыс. Ань Наталья Павловна Восыңтүрт агитэ ос апге ёт ылы. Мот мән минуңкв щар ат кәсачи, ләви – Тәгт котиль ойка Най-Отыре хульгуптаңкв ат рөви.

Ань яныг намхөталэ кастыл нйвраманән Ханты-Мансийск үсн ёхтуңкв вөввес. Тән тыт ятил оманыл магыс ялпың хөтал тах вәрёгыт, оманыл тыт вос мощ мүйлы.

Тамле потыр нйвраманэ тав урётыл ты хассыт.

**Ты потыр мәнъщи ләтңыл
Валентина ХОЗУМОВА
толмашластэ**

КАСНЭ ВАРМАЛЬ

Маньщи хум рупататэ урыл



Мань олнэ мавт северный многоборье щирыл рупитан федерация касын тал няврамыт магсыл касыл варыглы. Ты организацият кушаиг маньщи хум Олег Хатанев рупиты. Округ янытыл олнэ агит-пыгыт салың сун ултта поргункве, тыньщаң, саграп пахвтуңкве вос ханищтахтасыт, тав сав ёр пины ос акваг сав рупиты.

Олег Андреевич Хальүс район Саранпавылт самын патыс. Тот школа асталас. Атятэ Андрей Яковлевич Хатанев няврамыт ханищтан хөтпаг тот рупитас. Тав «Мастер спорта СССР» нам оныщас, таимагыс мир янытыл вайвес. Няврамыт акваг касуңкве ханищтасанэ. Павлың махумн тав сака янытлавес. 1980 талт атимыг ёмтыс.

Оматэ Тамара Николаевна Хатанева, такви опарищ наме Вьюткина, ань Саранпавылт олы. Маньщи эква пенсиятэ мус мань няврамыт ургалан колт рупитас.

Олег школат ханищтахтаме порат акваг ёсал хайтыгтас. Ты юи-палт Санкт-Петербург усн минач,

тот физический культура Институтыт ханищтахтас. Тот ос ёсал хайтыгтас ос савсыр ман касуңкве ватихал ялантас. Олег Андреевич «Мастер спорта по биатлону» нам оныщи.

Варнэ рупататэ урыл таи лавыс: «Аминститут 1990 талт асталасум ос тыг Ханты-Мансийск усн олуңкве ёхтысум. Та пора пасыл ам северный многоборье щирыл рупитэгум. Овлэт ман «Этнос» нампа каснэ кол варсүв ос округу янытыл яласасүв, соссаң махум олнэ павлытыт ты касыл урыл потыртасүв. Ань мань олнэ мавт салың сун ултта поргункве, тыньщаң репыгтаңкве, саграп пахвтуңкве, ошща йив катыт

пувим хайтыгтаңкве няврамыт Нижневартовский, Нефтеюганский, Сургутский, Белоярский, Хальүс районтыт ханищтахтэгыт. Овлэт мань туп маньщи, ханты ос ёрн няврамыт тыширыл касуңкве вөвсанүв. Мот няврамыт салың сун ултта поргункве, тыньщаң пахвтуңкве, хайтыгтаңкве ань ос ханищтахтэгыт. Агиррищит ос аквтыщирыл касуңкве ань вөвианүв. Касың талныл округувт варыглан касылн савнүв няврам ёхталы».

Олег Андреевич ты рупата воруңкве хунь овылтахтас, тренерхөтпа шар атим олыс. Ань касың районт тамле элумхолас олы, тан пуссын няврамыт касуңкве ёмашакв ханищтыяныл. Хальүс район Саранпавылт Андрей Дорофеевич Филиппов няврамыт ётрупиты. Белоярский район Касум павылт Александр Павлович Тасьманов агит-пыгыт касуңкве ханищтыяны. Александр Юрье-

вич Фальченко Нижневартовский район Варьёган павылт няврамыт ханищты. Ос сав мот павылт тамле тренерхөтпат ань рупитэгыт. Тан пуссын няврамыт ёмашакв ханищтыяныл, ты магсыл ань мань округувт олнэ агит-пыгыт ватихал мот спортсменыт халт нөхпатэгыт. Ювле хультум тал яныг таквс этпос 20-26 хөталытт Ямал мат Новый Уренгой үст Россия янытыл олнэ агит-пыгыт касуңкве акваг атхатыгласыт. Ань северный многоборьят Ямал, Чукотка, Красноярский крайт олнэ агит-пыгыт сака ёмашакв касэгыт. Таи магсыл тамле касылт нөхпатуңкве ань сака тарвитың. Тув ялманыл порат мань округувныл олнэ кит пыгыг Максим Нагаматуллин ос Михаил Игишев нөхпатсыг.

Маньщи хум лавыс, ты этпос 27 хөталныл маньполь этпос 3 хөталэ мус Белоярский үст няврамыт касуңкве акваг тах атхатэгыт. Тан хайтыгтаңкве, тыньщаң репыгтаңкве, саграп пахвтуңкве, салың сун ултта поргункве ос перщуңкве тот патэгыт. Округ янытыл 12 команда тув ёхты. Тот нөхпатум агит-пыгыт маньполь этпост Красноярский крайн Дудинка павылн минэгыт. Та павылн Россия спортсменыт касуңкве тах ёхтэгыт.

**Людмила
ТЕТКИНА**

НАУКА ХӨТАЛ КАСТЫЛ

Номтыңыг ханищтахтын аҗит-пыгыт

Вят сәграпнал этпос вят нупыл ат
Щислатэ Татъя янытлан хөталыг лававе.
Университетт ханищтахтын мәнлат хөтпатын
тав сака янытлаве. Та хөтал Югорский
государственный университетт рүпитан
хөтпат ос студентыг аквѣт сыресыр кас
ты кастыл вәрэгыт, нас үщлахтэгыт. Тувыл
күщайт ляххал тотнэ махум элы-палт тал сыс
ёмталам вәрмаяныл овылтыт потыртэгыт.

Ань 2017 тал Юг-
равт пуштагыл олнэ нак
янытлан талыг намт-
вес. Таимәгыс мән
ету в тән спорт яныг
коланылт акван-хөнт-
хатыгласыт. Овлэт
спортивный коланыл
манавн суссылтасаныл,
пуштагыл олнэ мәгыс
тән матыр-ати пуссын
тот ошнэныл. Тувыл акв
колнакн вөввесүв, тот
щай айнэ пасан вәрмыт,
мән тот элал потыр-
тасүв. ЮГУ күщай нэ
Татьяна Карминская тув
вөвыглам мүй махма-
нэ пуссын хүлтсанэ ос
тувыл касың хөтпа акв-
кит латың лавыс.

ЮГУ проректорыг ол-
нэ хум Роман Кучин
лавыс, тән палтаныл 5
сөтыра 555 студентыт
высший образование
мәгыс ханищтахтэгыт
ос 5 сөтыра 550 — сред-
ний образование ас-
тлэгыт ос рүпитаңкве
патэгыт. Савыңпалэ
студентыт өмщакв ха-
нищтахтэгыт ос таи-
мәгыс стипендиял ой-
тавет. Хотты наука
матыр вәрмал в тара-
паттын хөтпат янас олн-
нётмилыл мивет.

Ты тал овил курсыт
ханищтахтын аҗит-пы-
гыт пуссын «5» ос «4»
оценка оныщэгыт. Ту-
выл «Бережное произ-
водство» ханищтан
накыт урыл Юлия
Родь менеджмент ос
экономика институ-
танылт олнэ күщай нэ
латың тотыс. Тав юи-
палэт «Северные строи-

тельные технологии»
намп вәрнутыт урыл
ЮГУ аслам ос колыт
үнттын хөтпат потыр-
тасыт.

Татьяна Дятлова,
соссаң махум намп
институтт күщай нэ,
такви рүпататэ урыл
китыглавес. ЮГУ фин-
но-угор рүт махум
университетаныл эт
акван-юрщхатым олэ-
гыт. Тән танки уни-
верситетаныл халт
Ассоциация вәрсыт,
тувыл образование ос
наука щирыл аквѣт
рүпитэгыт. Касың тал
«Мисс студенчества
Финно-Угрия» намп
касыл вәрыглэгыт, ань
ты овилтыт мөлты тал-
касум аҗи Анастасия
Батющенко потыртас.
Тав «Мисс стиль» но-
минацият нөх-патыс.
Мөлты талт соссаң
щәмьят хумус няврам
яммалтаве, аҗит тамле



пес накыт суссылтасыт.
Ты тал сыресыр ёнги-
лыт тах суссылтэгыт,
таимәгыс ань касылн
минуңкве тамле накыт
ванэ аҗи кинсаве.

Хумус ЮГУ мөт хөн
университетыт эт рү-
питы, манавн Оксана
Гололобова потыртас.
Югорский университе-
тыт студентыт мөт хөн
латңыт пүмщалэгыт ос
касащим тананыл ха-
нищтэгыт. Төванакт
тән рүпатанылт хотты
латың ванэ нак сака эри.
Ань ЮГУ 30 савсыр мот
хөн университетыт эт
аквѣт рүпитан ос ха-
нищтан соглашение-нэ-
пак хансыс. Та щирыл
2016 талт лов студен-
тыт Чехиян, Венгриян,
Финляндиян, Китайн

ос Южный Кореян элал
ханищтахтуңкве мина-
сыт. Мән палту в сав мөт
хөн мәныл студентыт
ман аспирантыт ос ёх-
талэгыт.

Ань тыг Венгрияныл
Норберт Силадьи ха-
нищтахтуңкве ёхтыс,
маныр тав тыт вәри,
ты урыл янас потыр
ловиньтән. Ос Чехия
мәныл Ивана Враёва
ЮГУт рүпиты, тав тыт
студентыт чешский
латңыл потыртаңкве
ханищтыанэ. Тәнатән
тыт олуңкве сака мұсты.

ЮГУт студентыт ха-
нищтахтынэныл коны-
пал савсыр щирыл ка-
сэгыт, танки касылыт
вәрэгыт ос мөт рос-
сийский университе-
тыт халт нөх-патыглэ-
гыт. Ань ос акв касылт
нөх-патсыт ос мүйлуп-
са юв тотсыт. Ты урыл
студенческий советыт
пуңкотнэ аҗит-пыгыт
потыртасыт.

Олнэ коланылт янас
совет ос вәрсыт, тот олнэ
вәрмаяныл уральтым
оңыщияныл. Аҗит-пы-
гыт нэмат люль накын
ул вөс патыгласыт, тән
акван-нөтхатым, ак-
ван-юрщхатым вөс олэ-
гыт. Аквтох сыресыр
касылыт щөпиталэгыт
ос өмщакв үщлахтэгыт.



А. Батющенко

Тамара
САКВЪЯНЫЛ

Ас махум алфавитаныл урыл мирколт потыртасыт

Округ мирколт яныг сапрәни вәрыглавес. Тув атхатыглам соссаң хөтпат сәвсыр мāt рӯпитәгыт, тән ань ханты ләтың урыл потыртасыт. Ас махум акв сака тәрвитың вәрмалын ань ярмысыт.

Хүрум тәл минаям порат төва учёный хөтпат йильпи алфавит щәпитасыт, тән хащтәл букват тот хассыт. Ос ань таңхәгыт, ты щырыл кәсың хөтпаныл вос хансы, кәсың школат ханты нъявrameыт ты йильпи алфавитн вос ханищтавет. Ловиньтан нәпакыт, учебникыт, ханты газетаныл пуссын ты йильпи буквал вос хансавет.

Сәвыңпәлэ ханты махум ты йильпи вәрмалыт өт щар ат кәсащасыт. Тән ләтңаныл ань пуссын щар мөт щырыл хансуңкв эрәгыт. Нила тәлыг мощәрт ты өмты, тән тәнти халанылт воритотәгыт.

Ты сапрәнит өлум Ирина Лисютина образование департаментыт рӯпиты. Нә ләвыс, округ департамент приказе щырыл, Белоярский район хүрум ханты пәвлытт (Полноват, Касум ос Ванзеват) школат нъявrameыт ты йильпи алфавит щырыл ханищтаңкв вос

патвәсыт. Хүрмит тәл туп Касум пәвылт нъявrameыт тыщырыл ханищтавет. Ванзеват пәвылт школат рӯпитан махум пәс учебникыт щырыл нъявrameыт өт рӯпитәгыт.

Төват ат кәсащәгыт

Яныгпәла эква Мария Кузьминична Волдина ты сапрәнит ләвыс, ты йильпи тәла өт тав өс щар ат кәсащи. Мән нъявrameыт ань щән ләтңаныл щар ат вәганыл. Тав сәвсыр мāt яласы, школан хунь вөваве, соссаң нъявrameыт пуссын титыглыянэ – хотьютаныл тән халанылт щән ләтңе вәгтэ. Акв-тит әги-пыг туп вәгтэ. Ос йильпи хащтәл букват те нәгләгыт, тонт нъявrameытн сака тәрвитың паты.

Сака өмас ләтың Александр Новьюхов ләвыс. Тав ань округ Дума депутатыг өлы, сәккөныт пуссын өмашакв вәганэ. Тав тох потыртас. Ань Касум пәвыл нъявrameыт йильпи букватн ханищтавет. Ос мак тамле сәк-



В.И. Сподина ос М.К. Волдина

кон өлы, мән нъявrameыт туп государственной программа щырыл ханищтаңкв эрәгыт. Сәвсыр йильпи тәла школат тәлуңкв ос йильпи щырыл тананыл ханищтаңкв сәккөныт щырыл ат рөви. Манрыг Касум нъявrameыт ты тәлал вәрвәсыт.

Наука махум потраныл

Ас-угорский институт кӯщай нә Виктория Сподина ләвыс, тав йильпи алфавит хансум махум янытлыянэ, тананылн нәты. Ос элал тох ләвыс, 1990 тәлыт порат щәпитым ханты алфавит сака пәс, ань тав школатн щар ат хөйхаты.

Йильпи рӯпата өвылтам махум пуссын нәтуңкв эрәгыт. Мәк тән ты ханты мир щән ләтңе өмашакв вәганыл. Ань Ас махум нила диалект щырыл потыртәгыт. Ты йильпи алфавит пирмайтаве те, тонт кәсың ләтың хумус ләгалаве, тән таве эрнэ щырыл нәпакн хансуңкв вәрмяныл.

Нъявrameыт ханищтан нәпакыт урыл

Учебникыт урыл Софья Каксина потыртас. Тав Касум пәвылт нъявrameыт ханты ләтңын ха-

нищтыянэ, Ханты-Мансийск үсн ат өхталас. Белоярский үст видеосвязь урыл такви рӯпататэ урыл тох ләвыс, тән сәв тәл пәс учебникыт щырыл нъявrameыт ханищтасаныл. Ань ос йильпи букватыл хансым учебникыт школан өс сака ат рөвәгыт. Тананыл йильпииг хансуңкв эрәгыт. Остытәла хунь өвылтаве, школат рӯпитан махум тув вос вөвавет, тән ты өмашакв вәганыл, нъявrameыт мәгыс манырсыр учебникыт эрәгыт.

Йильпи букват ос алфавит урыл нә тох ләвыс, тав өвләт өс щар ат кәсащас, такви ты букват ат торгамтасанэ. Тувыл ләщлакв өмашакв ханищтасанэ, ань нъявrameыт ты йильпи букват хансуңкв ханищты. Нъявrameыт ос тән щәнаныл-әщаныл нәматыр ювле ат ләвәгыт, тән ты тәла өт кәсащасыт ман әти.

Сапрәни кӯщай ләтңе

Ты сапрәнит өбщественный ос внешний связь департамент кӯщай нә Елена Шумакова пуңктотнэ хөтпаг өлыс. Кәсың хөтпа потыртаме юипәлт тав тамле ләтың



Ф.М. Лельхова ос С.С. Динисламова

Л Ъ Њ

Тамле ты йильпи букват ханты ма́хум ань о́ньщѣгыт.

лāвыс. Ань элаль ханты алфавит хаснэ рӯпата вāрнэ ма́гыс яныг учѣный хōтпат тыг вос вōвавет. Тāн ты ёмашакв лāвѣгыт, школат ханищтахтын н̄яврамыт ма́гыс манырсыр алфавит хансуңкв эри, ханищтан нѣпакыт эрнэ щирыл хумус хансавет. Тувыл округувт яныг комиссия атаве, руц лātңыл те лāвуңкв – «независимый» рӯпата тāн вāруңкв патѣгыт. Нѣмхотыют тāнанылн хўлтнэ лāтың ат лāви.

Образование департаментыт рӯпитан ма́хум о́с лāввѣсыт, тāн округув янытыл кāсың школат рӯпитан хōтпат ос н̄яврамыт щāняныл-āщаныл вос титыглыяныл – ты

йильпи рӯпата ос йильпи алфавит ханты мирн эри ман āти. Ма́хум титыгланэныл юи-палт тах уц ты рӯпата элаль вāруңкв патаве.

Ос ты сапрāнит олум ма́хум сāvыңпālэ пуссын лāвсыт, ты йильпи алфавит тāн тāнти ёмашакв ат торгамтыяныл. Ос ма́нь н̄яврамыт школат саватаңкв ёмас хунь. Тамле олупса ты ёмтыс, акв-тит хōтпа тāнти мираныл ма́гыс йильпи букват номылматсыт ос ань пуссын н̄яврамыт ты йильпи тēлан вос ханищтавет. Мōт хōтпаныл кāсашѣгыт ман āти, ань о́с тах тāрапаттаве. Тамле ты вāрмаль Ас ма́хум ань о́ньщѣгыт.

Мāньщи лātңув урыл



н̄йыңхап



ѣпаньси
вāйыг

Ты институтт мāн ма́ньщи ма́хманув о́с рӯпитѣгыт. Ос юи-о́выл тāлытт матрыг тāн о́с йильпи щирыл тōва лātңыт хансуңкв патсаныл. Ты лātңыт ловиньтаңкв ос хансуңкв сака тārвитың.

Ос лāтың ханищтан н̄яврам хумус торгамтытэ, эрнэ щирыл хумус хансуңкв эри – пѣс учебникыт манос уцты хансым нѣпакыт щирыл. Ань тот рӯпитан ма́хум тōва лātңыт тох хансыяныл, нāн ань ловиньтэн:

Тэлыиг – тэлыйыг;
Туииг – туйыйыг;
Вāйг – вайыг;
Н̄йыңхап – н̄йыңхап.

Валентина
ВАСИЛЬЕВА



Мāньщи лāтың ханищтан венгр хум

Хурит ма́ньлат венгр хум пōслым о́лы. Тав мāн рӯпитан колувн щалтсас, мāн ётув вāйхатас. Хум ма́ньщи лāтың ёмшакв торгамты ос мāн палтув тав Азат Гарипов хатань пыг ёт ёхталас. Азат мāн потранув Норберт ма́гыс английский лātңын толмашласанэ, венгр мўй хум руц лāтың уцты ханищтаңкве патыс, такви урѣт тав лāвыс:

— Паща олэн, ам намум Норберт Силады. Ам мōлты тāl вāt сāграпнал этпост Венгрия ма́ныл Ханты-Мансийскан ёхтысум ос тыт Югорский университетт яңк нātнэ этпос оигпан мус ханищтахтуңкве патѣгум. Ам амки олнэ мāmт Сегедский университетыт филология факультет āстласум, тот сāt тāl финно-угор рўт ма́хум лātңаныл ханищтасанум, ты тēлат палт бакалавр ос магистр университет āстлам нѣпак о́ньщѣгум.

Тувыл ань элаль аспирантурат ханищтахтѣгум, ма́ньщи лāтың о́вылыт научный потыр хансуңкве таңхѣгум. Таимāгыс мōлты Венгрия правительство пāлыл грант-олныл майвѣсум ос тыг ёхтысум. Югорский университетын пўмащипа

лāтың лāвѣгум, тāн āнумн тыг ёхтуңкве вōвсаныл ос сāvсыр вāрмалянумут акваг нѣтѣгыт.

Тыт олнэм сус ам тōва сосаң хōтпат ёт хōнтхатыглālсум, тāн ётаныл вāйхатасум. Тāн пуссын тāнки щāнь лātңыл потыртѣгыт, таимāгыс сымумт ёмас. Мāньщи лāтың палт «синтаксис» накыт тāрапаттыянумот ос диссертация нѣпак тах щѣпитѣгум.

Венгрият мāн «FinUgRevita» нампа проект щѣпитасўв. Ань маныр мāн тот вāрѣв, ищхйпың ут хосыт лātңыт хумус хансуңкве ос ханищтаңкве рōвѣгыт, пуссын нāнан суссылтыянумот. Тамле пораг ёмтыс, мощцаг хультум ма́хум лātңаныл молях сōймѣгыт ос мōт мирытн потраныл, мōйтаныл аты вāвет. Мāн ань удмурт ос ма́ньщи лātңыг ищхйпың утн хансуңкве вос āлыманувўв, таимāгыс сāv рӯпитѣв.

Тыт ам руц лāтың ханищтылум, культуратэ ос пўмщальлум. Ам Ханты-Мансийск ўсн сака āщирмаң порат ёхтысум, мощ пōльвѣсум. Анумн тыт сака пўмыш, лўимāt олуңкве мўсты.

Тамара МЕРОВА

ХАНИЩТАП

Номтың нйврамыт янас колт ханищтавет

Луймат олнэ номтың нйврамыт магыс Ханты-Мансийск үст колледж-интернат 1997 талт пүсвес. Тот кұшаиг 2007 тал пәсныл Александр Березин рүпиты. Тав ляххал тотнэ хөтпатн ты ханищтахтын кол урыл потыртас.

Ты колт нйврамыт школа аслэгыт ос кәсащан тәла щирыл элалы ханищтавет. Элы мат үнлын павлытт сав номтың, вешкат агитпыгыт олэгыт. Тән хәснэ вәрмаяныл щирыл элалы ханищтахтуңке вос вәрмысыт, таимагыс ты кол вәруңке номылматвес. Нйврам школы эмщакв ханищтахты ке, тав тәра тув виве.

2000 тал пәсныл «Искусство Центр» кол ЮНЕСКО нампa мирхал организация нупыл хасвес, тувыл ұргалаве. Россия янытыл китсәткем тамле школа олы. Мир янытыл ос лов сөтыракем тамле школат савсыр мат нйврамыт ханищтым рүпитэгыт. Тамле школат ханищтахтын агитпыгыт халанылт вәтихал хөнтхатыглэгыт, хұлтыглахтэгыт, потрамэгыт, юртыңыщ ос акван-нөтхатым олэгыт.

Овыл пәсныл ты ханищтап кол қит вәрмалы магыс шөпитавес. Овыл вәрмалы - нйврамыт олнэ-хұлнэ нак ос искусство вәрмалы элалы востотсаныл. Элы маныл олнэ нйврамыт тот ханищтахтынэныл сис интернатт олүңке вос вәрмысыт. Китыт вәрмалы - ты школан ханищтахтын магыс нйврамыт акваг вос өхтысыт, тувыл ос тот савсыр вәрмалын ханищтахтуңке вос ро-

выс. Тот нйврамыт овыл классыт ос яныг классыт асланэныл мус ханищтавет. Тувыл тот тән колледж асланэныл юи-палт тәра рүпитан нәпакыл мивет. Сартын 2014 тал мус тот мәнлат хөтпат университет асласыт, өтыл ты вәрмалы лап-пантвес.

«Искусство Центр» колт нйврамыт сәңквилтаңке, ййквуңке ос кәтыл хурит пөслуңке ханищтавет. Тот ййквнэ ос эргын яныг колнак олы. Ханищтап кол хұрум яныг кол щирыл акв ляпат үнттүвөсыт. Колыт халанылт унсахыл шөпитым олэгыт. Акв колныл мөт колн лап-вәрим үнсах хосыт өмуңке рөви, кон-квалуңке ат эри.

Интернатт пуссын акваёт китсәт атпан хөтпа олы. Ханты-Мансийск үст кол ат өщнэ учитель-хөтпат өс интернатт колнакыл майвөсыт. Тот яныг тәнэ кол рүпиты. Нйврамыт хөтыл сис хөт шөс тыттавет. Ты коньпал «Искусство Центр» колн Ханты-Мансийск үст олнэ нйврамыт ййквуңке, өнгүңке ос хаснэ ййвил шуртуңке ханищтахтуңке өс өхталэгыт. Пуссын акваёт яныгсәт сәтлов нйврам атхаты.

Агит-пыгыт тот савсыр сәңквилтан утыл сәңквилтаңке ханищ-



тавет. Нйврам баяныл өнгүңке тув өхты ке, тав школа асланэтэ юи-палт ос элалы вәрмалы щирыл колледжин минүңке вәрми.

Ййквнэ колнакт нйврамыт ос савсыр ййквнэ тәлан ханищтавет. Тув савсыр тал яныт нйврамыт өхталэгыт. Мөлтү тал аслам акв аги Саранск үс театрын ййквуңке вөввес. Акв пыг ос Астрахань үс театрын ййквуңке вуйвес. Тот нйврамыт сака өмщакв ханищтавет.

Ты ханищтап колт нәпак ловиньтан яныг кол шөпитым олы. Тот пуссын акваёт сәтлов сөтыра нәпак өнщаве. Савыңпалэ ханищтахтын нәпакыт.

«Искусство Центр» өмщакв рүпитан магыс округ бюджетныл

китсәт сәтлов млн. солкөви тәставе. Тот пуссын акваёт хұрумсәт хус хөтпа рүпиты. Ты хөтпатныл яныгсәт налыман хөтпа нйврамыт ханищтэгыт. Акв колнакт мән пүльница рүпиты ос элалы хотвиңке номсаве. Нйврамыт тотыглан магыс машинат өнщөгыт, колкан ловтнэ хөтпат ос мөтаныт тот рүпитэгыт.

Нйврам ханищтан хөтпат кәсың тал павлытын ялантэгыт. Школат китыглахтэгыт, хоты нйврам номтыңыщ ханищтахты манос матыр пұмащ вәрмалы вәри, таве тәра тув ханищтаңке виве. Нйврамыт щәгтым ханищтахтуңке тув минэгыт.

Николай МЕРОВ

СОССАҢ МИР ӨЛУПСА

Щань латңыл потыртаңкве сака таңхи

Туи Октябрьский район Лүйи Нярехуми павылын ялмум порат Зоя Борисовна Глушкова ёт вайхатасум. Тав Ас маньши латың ванэ эква. Ос та ёрт ёлнэ маньшит мощ танки щирыл потыртэгыт, ань тамле латың ванэ хотпа касың ёмт мощцаг ёмты. Таимăгыс эква сыме щарги, ань мён потрумён нан элалё ловиньтэлын.

- Ман маниг ёлмув порат пуссын щань латңыл потыртасув. Омам атимыг ёмтнэ мус акваг тав ётэ потыртасум. Ань павлуvt щань латың ванэ хотпа торың атим. Акв-кит экват лăкква мат ёлэв кос, ос юн хотал палыт колсори рупатав вăрим щар аты вăшиньтахтэв. Клавдия Плеханова эщум ам палтум щалтапалы ке, манос ам тав палтэ хайтталэгум, тонт маткем та потыргымён.

Нан маньши газетан ёхты, щăгтэгум, тот ляххалыт, потрыт ловиньтэгум. Нан туп това латңанын мощ мот щирыл ёлэгыт. Сартын товат щар ат торгамтасанум, ань ханьшувласум.

Амки урумт таи лăвэгум, амтытыныг таквс ётпос атыт щислат 1950 талт самын патсум. Районувт савсыр павланувт школат ханищтахтасум, хот интернатт ёлсум. Школа асталнэм юи-палт Салехард усн миначум. Тот, май, уйхулыт пусмалтан лăккарыг зооветтехникумт ханищтавет. Тувыл тот практика ёмтум порат ампыт палыг-яктуңкве ос суссылтаңкве патвёсыт, ам хот-рохтысум ос юв та оясум.

Юв ёхтысум, акв тал колхозт мис поснэ нэг рупитасум. Тувыл кит юртагиягум ёт Казахстаныт ёлнэ Павлодар усн ханищтах-

туңкве миначув. Ань тай мовиньтым номылматыглэгум, мот ляпамă, эрттам, атим ёлыс. Та палыт ман, тув та минэв. Ёвлёт сат хотал наиңхăпыл Омск ус мус ман миначув, тувыл элалё «Ракета» наиңхăпн талсув. Этисалаг Павлодарн ёхтысув, муйлын колн эт хулуңкве миначув. Ам тай, я-а, паспорт ат ёщнэм. Тамлэ ёрнэ нэпак тал мот ман та миначум, юн амки ат вăрыгласум. Ты нэпак ёвыл щёс аномныл ущты китыглавес. Тувыл кон хунь хульгуптавем, ам акв юртагирищум палт хуоптавёсум.

Ман павлуvt тонт ат ёщсыт, нэмхотталё ат ялантасыт, пёс намнэпаканылт ёлсыт. Тувыл

юв мирколн пищма хассум, юил справкал кётвёсум, паспортум щар ат вăрыглавес. Ётыл тыт та вăрвес. Павлодар ус ам акв тал слесарь-аппаратчыкыг ханищтахтасум. Училище сака ёмас асталсум ос акв тал опытный заводыт рупитасум.

Тот ойкам ёт акванхонтхатасмён ос ётыл тав самын патум матён, Казахстаныт хотал нэглин ёрн ёлуңкве миначмён. Тав матёт ат тал ёлсув ос тыг лумавн ёхтысув. Тыт ам нёлотов хуйплов тал мис поснэ нэг рупитасум. Тувыл 1992 тал колхозув лаппантвес. Ам садик кол ёрнэ хотпаг пенсиян миннэм мус рупитасум. Ойкам прорабыг рупитас, тувыл пилораман патхатыглас. Ос астма агме паттат 53 талёт атимыг ёмтыс. Мён ат ныврам янмалтасмён. Мань пыгмён китхуйплов талэ ёлыс, ащтал хультыс. Ань тай пуссын яныгмасыт, танки щёмьян хотпаг ёмтыс.

Ты нывраманум коньпал каңкум нывраманэ янмалтасум. Тэн илттыг экватёнтыл сас хотталё щалтсыг. Нёлотов ныврам щань ащтал хультыс. Мён Клавдия Семёновна Плеханова эщмёнтыл ныврамыт янмалтаңкве киттыг висанмён. Тав нила ос ам нила ныврам янмалтасум. Мань пыгрищён нёлотов ётпос яныт ёлыс, ань тыт ты, нила класс асталс. Хотал палыт школат тот та хайтэгыт. Алпыл ханищтахтуңкве миннэгыт, обед юи-палт уроканыл манос кружокын ялантэгыт. Ань хунь та колсори рупатан тананыл ханищтаңкве алымёгын. Пуссын мот тэла оньщегыт.

Амки акв мат ос ат аунлантасум. Павлуvt ветераныт Советтыт матыр тэлат вăруңкве нётсум. Мён Александр Плеханов ёт савсыр ялың хоталыт кастыл касылыт щёпиталсумён. Сартын хонтлум хотпат ос та порат рупитам сав яныгпала махум ёлыс. Пуссын тан ётаныл хонтхатыгласув, аквёт кас вăрсув. Тувыл районувн сав калмык ос немец щёмьят тыг тотыглавёсыт. Молтынув ветераныт Советныл пohan патхатсум, маньнун махум тан вост рупитэгыт, ань тот Галина Шадрина пуңкоты.

Ты яныгпала эква ёт пумыщ потыртаңкв, маньлат таланэ номылматым акваг мовиньты, ощхуль вăри. Аквтопмат нэмат тарвит ёлупсал ат ёлыс.

Тамара МЕРОВА



ЯНЫГПАЛА ХӨТПА ЯНЫТЛЫЛҮВ

Тав мирн ёмас номт тоты



Ишхйпын мят вим хуринг



Р.Богордаев вәрим хури

Яныгпала ханты ёква Мария Кузьминична Волдина мән округувт сака намың-суиң хөтпаг блы. Тав тина суссылтан тотап хосыт акваг суссылтаве, округувт ос мә янытыл мирн вәве.

Ювле хультум тал вәт сәграпнал этпос 28 хөталәт нелсәт талә товлыс. Мотыт этпост ущ ялпың хөталә вәрыглавес. Искусство центр колн сәв мир та хөтал атхатас. Титахтем щёс тав тот янытлавес. Округувт оlnә мак яныг артист махум, «Хөтал» нампа эргын-ййквнә колт рупитан агит-пыгыт, ляпа рүтанә Мария Кузьминична магыс эргысыт, ййквсыт.

Овыл латың округ яныг күщай нә Наталья Владимировна Комарова лавыс. Тав ты кастыл нәтнә ханты супыл масхатас, пёс порат тамле супыт Иртыш я вата хосыт олум хантыт тән оцсаныл. Күщажов ханты ёква сыныгтастә, анигластә ос сәв ёмас ләтңыл лавыстә. Тав Мария Кузьминична сака эруптым оныщитә. Соссаң махум урыл хөт матыр потыр те ёмты, тав ты яныгпала хөтпа акваг титыглытә, эрнә щирыл хумс вәруңкв эри.

Тав юи-пәләт Государственный Дума депутат мәнщи нә Татьяна Гоголева, соссаң махум Ассамблеят рупитан депутатыт Еремей Айпин, Руслан

Проводников ос депутатытн нәтнә хөтпа Надежда Алексеева ёква магыс потыртасыт. Кәсыңе сәв ёмас ләтың тавән лавыс.

Ос элалы Мария Кузьминична ляпа рүтанән – агиягән, апганән, вәпсагән янытлавес. Ақв вәпсә Валерий Ледков эргуңкв сака хәсы, тав эргуме порат рүтанә акваквал-аквал сценан та нәглысыт. Тувыл пуссын оманыланёкваныл палт та минаясыт. Хорамың лүптал, мүйлупсал мүйлуптасаныл, янытланыл.

Юи-өвылт ёква сценан ты вөввес. Артист махум пуссын тав сыс пәләт лүльсыт. Аквёет эрыг эргысыт. Тувыл ёква ләтың ләвуңкв вөввес. Тав такви урәт, мәниг олум поратә, яныгмаме урыл мощ потыртас. Та юи-пәлт залат үнлум махум пуссын нөх-лүлюңкв лавсанә. Пуссын нөх та лүльсыт ос сәт щёс ты ләтңыт акваёет лавыс: «Пос ос щунь!» Мария Кузьминична кәсың хөтпа ёмас номтыл ос ты ләтңыт номим элалы олуңкв лавыстә.

Валентина ХОЗУМОВА

Лүймә сәрипос

(Северная заря)
№3 (1141), 09.02.2017

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Главный редактор –
Решетникова Р.Г.
Телефон (3467) 33-36-82

Заместитель гл.редактора –
Кондина Г.Р.
Телефон (3467) 33-22-72

Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г.Ханты-Мансийск,
ул.Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:
ООО «Новости Югры-
Производство» г. Сургут,
ул. Маяковского, д. 14.

Подписано в печать:
по графику 09.02.2017 г.
в 9.00.; фактически
09.02.2017 г. в 9.00.
Индексы **04399, 54399**
Тираж **1750** экз.

Заказ **71**
Цена свободная
Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по Тюменской
области, ХМАО-Югре и
ЯНАО.

Свидетельство о регистрации
ПИ №ТУ
72-00795 от 23 января 2013г.